



SAOPŠTENJE ZA JAVNOST

Određen pritvor za lica P.S. i Z.S. zbog osnovane sumnje da su izvršili krivično djelo krađe

(Brčko, 01.12.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH odredio je danas pritvor licima P. S. (43)* i Z. S. (30)* iz Donjeg Žabara, zbog postojanja osnovane sumnje da su u saizvršilaštvu izvršili krivično djelo "Krađe".

Osnovni sud Brčko distrikta BiH je odredio jednomjesečni pritvor licima P. S. (43)* i Z. S. (30)* iz Donjeg Žabara zbog okolnosti koje ukazuju na opasnost od bjekstva, te zbog postojanja naročitih okolnosti koje opravdavaju bojazan da će ponoviti krivično djelo, za koja se može izreći kazna zatvora od tri godine ili teža kazna.

Podsjetimo, u ranim jutarnjim satima dana 23. novembra 2025. godine, osumnjičeni su po prethodnom dogovoru boravili u ugostiteljskom objektu pumpe „Dragstes“ d.o.o. Brčko i u određenom trenutku iskoristivši nepažnju radnika benzinske pumpe iz ladice pulta otuđili pazar u iznosu od oko 1.170,00 KM, a zatim su otključali magacin benzinske pumpe i iz istog oduzeli veću količinu cigareta u vrijednosti od oko 8.000,00 KM, nakon čega su se automobilom uputili u pravcu Lončara. Na opisani način osumnjičeni su za sebe pribavili protivpravnu imovinsku korist, a za isti iznos oštetili pravno lice „Dragstes“ d.o.o. Brčko.

Vrijedi ukazati da se u konkretnom slučaju radi o licima koji su višestruki specijalni povratnici u činjenju krivičnih djela teške krađe, krađe, razbojništva i drugih teških krivičnih djela kako na prostoru Brčko distrikta BiH tako i na prostoru Republike Srpske i zemalja okruženja, zbog čega su do sada više puta bili osuđivani.

U daljem toku ove istrage, Tužilaštvo Brčko distrikta BiH će nastaviti poduzimati adekvatne istražne mjere i radnje u cilju utvrđivanja svih važnih činjenica za ovaj događaj i daljeg krivičnog procesuiranja odgovornih lica.

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**